

Di dîroka kurdan de qonaxeke girîng: Alayên Hemîdiyê

Alayên Hemîdiyê yên ku di sala 1890'an de hatibûn damezirandin nêzi 40 salî di erdnîgariya Kurdistanê de çalak bûn. Heya roja îro ev alayên leşkerî di çarçoveya "Komkujîya Ermenan", "netewperestiya kurdan" û "têkiliyên kurd-ermen û Osmanîyan" de hatine nirxandin. Ev alayên ku di bin navê siltanê demê Ebdulhemîd de hatibûn damezirandin, çend caran navê xwe guhertine, lê hebûna xwe di sala jî parastine. Ev yekîneyên leşkerî bêguman ji ber şertên demê yê polîtîk û îdarî hatibûn damezirandin. Her wiha Alayên Hemîdiyê û duajoyên wê (yên wek "Alayên Eşîretan yê Siwarî", "Alayên İhtiyatî yê Siwarî", "Alayên Eşîretan", "Alayên Milîsan yê Minêkar") di periyoda di navbera salên 1908-1919'an de xwedî rolên mezin bûn, ku di vê peryodê de kurd ji dewleteke serbixwe hatin mehrûmkirin.

Valahiya desthilatîyê

Di salên 1840'an de, li ser tesfîyêkirina mîrên kurd, ermen bê parastin dimînin, yê ku dewsa mîrên kurd digirin jî (şêxên Xalidî, axayên heremî û begên bajarî) wek mîran li hemberî ermenan birehm nebûn. Valahiya desthilatîyê û anarşiya li Kurdistanê bi kêrî vê çîna desthilatdar ya nû dihat, her wiha hem şêx hem axa an jî began ji ermenan bac werdigirtin. Bêguman "cot-bacdayîn", xebatên mesîhîtiya revîzekirî û anîna zanistên fenî-sosyal yê jî aliyê mîsyoneran ve dibe sedem ku netewperestî belavî nav gundên ermenan bibe. Bi vî şiklî, "pirsgirêka ermen" di literatûrê de cih digire. Di sedsala 19'ê emîn de tê zanîn ku Rûsya çav berdide erdnîgariya Kurdistanê, ji ber vê çavberdanê û propagandayên alîgirên ermenan yê li Ewropayê, pîrsgirêka ermen dikeve rojeva navneteweyî. Di sala 1878'an de yekem car di Kongreya Berlînê de pîrsgirêka ermen tê rojevê, di dawîya nîqaşên polîtîk de biryar tê wergirtin ku "Dewleta Osmanî dê êdî ermenan li hemberî kurdan û çerkezan biparêze" (bend 61). Berovajî vê bendê, piştî kongreyê dewleta Osmanî bêhtir nêzi kurdan dibe, ji ber ku dewletê hez nedikir ku wek Balkan û Ewropaya rojhilatî, li Asyayê jî erdê xwe wînda bike.

Ji eşîran yekîneyên leşkerî

Di sala 1881'î de tê zanîn ku Şêx Ubêdullahê Nehrî hem li hemberî Osmanîyan û hem jî li hemberî İraniyan serî radike. Siltanê demê Ebdulhemîd, li ser vê



serhildanê, êdî pêşengên olî yê kurd di siyaseta Osmanî de îzole dike û heya ji destê wî tê dike ku bandora wan minîmîze bike, her wiha ji ber ku hêzên begên bajarî yê Kurdistanê bendkirî bûn, êdî tenê di destê wî de axayên eşîrên mabûn. Herî dawî, Ebdulhemîd ji eşîrên kurd yê sunî yekîneyên leşkerî pêk tîne. Bi vî awayî, dike ku bandora şêxên Xalidî û begên bajarî yê heremî êdî teqez minîmîze bike û li hemberî xwestekên ermenan ên polîtîk û dagirkeriya Rûsyayê ya muhtemel tedbîr bigire û eşîrên kurdan bêhtir kontrol bike.

Li hemberî ermenan

Ahmet Şakir Paşa, ew 12 sal (1878-1889) bûn ku li Rûsyayê sefir bû, alayên kazakan ên Rûsyayê li ber çavên xwe ditibû. Tê zanîn ku li ser pêşniyaza wî, fikra damezirandina alayan bi vî şiklî di nav erdnîgariya Osmanî de peyda bûye. Herî pêşî waliyê Erzîromê dikir ku ji kurdên heremî li hemberî komîteyên ermenan tîmên leşkerî yê gerok çêbike, bes reîsên kurdan yê wê demê li hemberî vê xwesteka walî disekinin. Ji ber ku walî dikir ku wan wek yekîneyên operasyonel di tixûbên Rûsyayê de bi kar bîne. Lê kurdan baş dizanibû ku dema ew bikevin nav tevgerê wiha, herî pêşî wê ji aliyê Rûsyayê ve bêhtir werin cezakirin. Her wiha Rûsyayê çend caran ew bi tundî ceza kiribûn. Piştî biryara damezirandina alayan, Siltan Ebdulhemîd ji bo damezirandina yekîneyan Muşîr Zekî Paşa peywîrdar dike û dişîne Serheda Kurdistanê. Muşîr Zekî Paşa jî peydeperpey ji eşîretan alayên leşkerî peyda dike. Di serî de eşîrên kurd ji hatina Muşîr Zekî Paşa şikdar dibin, hez nakin endamên wan werin jimartin, dema ku dibînin armanca Muşîr xalis e, wî bi kelecaniyeke mezin pêşwazî dikin. Her wiha ew kurdên ku ji ber tîrsa zindankirinê

ew çend sal bûn newêribûn berjêrî bajaran bûbûna, ji bo xwe-qeydkirina nav van alayan, berjêrî bajaran dibin. Ji van yek jî ji eşîra Cîbrî Zubêr Axa bû. Li gor Zekî Paşa, kirinên rêvebir û memûrên dewletê yê bi vî şiklî, zirarê dida tevlebûyîna alayan. Divê ecele cezayên endamên eşîretan ên berê werin efûkirin. Damezirandina alayan wek raya giştî a hundirîn, raya giştî ya derve jî dilepitîne. Zêdetir rojnemeyên biyanî fikarên xwe yê der barê çekdarkirina kurdan a li hemberî ermenan tînin ziman.

43 alay damezirandin

Di sala 1891'an de bi sedan axayên kurd serî li dewletê dixin ji bo ku dewlet ji eşîrên wan alayên leşkerî pêk bîne. Her wiha yê ku herî pêşî serî li dewletê didin, eşîrên bi navên Cîbrî, Camedanî, Hesenî, Qarapapax (ne kurd in) û Sîpkî ne. Paşê peydeperpey ji eşîrên wek Ademan, Heyzeran, Milan jî alay tînin çêkirin. Ev pêvajoya çêkirina alayên leşkerî ji eşîran heya sala 1892'an berdewam dike, di dawîya heman salê de (piraniya wan kurd) ji pênciyê zêdetir eşîrên sunî alay peyda dibin. Heya sala 1893'an jî van eşîretan ser hev 43 alay tînin damezirandin. Me çawa li jor jî gotibû ku bi sedan axayên eşîran serî li dewletê xistibûn ji bo ku dewlet ji eşîrên wan alayan damezrîne, lê dewleta Osmanî tenê serlêdanên eşîrên sunî dipejirîne. Serlêdanên eşîrên durzî, elewî û êzîdî tînin redkirin. Ji ber ku ewnan di nezera dewleta Osmanî de "girseyên ewle" nebûn. Her wiha serlêdanên hin eşîrên sunî yê mezin jî nayên pejirandin, mînak eşîra Pencînarî ku serêkê wê Bişarê Çeto û eşîra Xweyîfî ku serêkê wê Hecî Mûsa Beg bûn, di berê de serê dewleta Osmanî pir êşandibûn, dewleta Osmanî bi tu awayî hez nedikir ku eşîrên pir bi hêz tevî refên alayan bibin. Her wiha dewlet, serlêdanên eşîrên kurd

ên sunî yê piçûk ên bêhêz jî nedipejirandin.

Mala Emer û Mala Şewêş

Me li jor jî behsê kiribû ku rojnemeyên beyanî fikarên xwe diannin ziman, di sala 1893'an de em dibînin ku ew jî ber van fikarên xwe mafdar in; ji ber ku alayan pê re, pêşiyê dest bi talan û şerên navxweyî kiribûn. Bi taybetî, qebileyên eşîreta Hesenan (Mala Emer û Mala Şewêş) bi hev dikevin û ji hev bi sedan mîran dikujin û dewlet mecbûr dimîne çend mufreze leşkerên nîzamî bişîne heremê. Li ser hewldanên rêvebirên fermî şerên di navbera Hesenan de disekinin. Her çîqas berhevkerina bacê ya ji aliyê serleşkerên Alayên Hemîdiyê qedexe bû jî lê di sala jî ewana vê pey-wirê bi zorê hildidin ser xwe. Gundên ku bacê nadin wan, ji aliyê wan ve tînin talankirin. Piştî talankirina gundan a ji bo bacê, vê carê Alayên Hemîdiyê berê xwe rasterast didin gundên ermenan.

Meseleya Rizayê Xalit

Di serkêşî û aloziya van salan de (1893-1900) axayekî ji axayên eşîra Hesenî yê bi navê Rizayê Xalit derdikeve pêş. Em dê êdî navê Riza bêhtir di arşîvên Osmanî, heya di arşîvên Ūris û îngilîzan de jî bibî-

nin. Rizayê Xalit çawa ku nav jî li ser e kurê Xalit Begê Hesenî bû; bi emir ciwan û bi karakter pir hişk û bi hêrs bû. Li gor îdiayên îngilîzan, Riza peydeperpey gundên ermenan ên li devera Mûşê talan dike û hasilatê jî dibe Erzîromê difiroşe. Paşê berê xwe dide gundên êzîdîyan û van gundan jî talan dike, ji van gundan yek jê jî Dêrik e. Kurdên êzîdî heya Siltan Ebdulhemîd nameyan dişînin û wî gilî dikin. Em dibînin ku Riza ji bilî ermenan, kurd jî şêlandine. Çawa ku em ji raporên Osmanîyan ên wê demê fehm dikin ku Rizayê Xalit ji aliyê tu rêvebirê heremî ve nayê zevtkirin, ji ber ku Alayên Hemîdiyê rasterast bi Muşîr Zekî Paşa ve girêdayî bûn, Muşîr jî bi Siltan Ebdulhemîd ve girêdayî bû.

Êrişî sipkiyan kirin

Piştî kirinên Rizayê Xalit du sê sal şûnde birayê wî yê bi navê Fetilâh derdikeve holê û êrişî eşîra Sîpkî dike. Bi taybetî di navbera wan û malbata Ebdulhemîd Begê Sîpkî de şerên çetin rû didin. Ev şerên di navbera alayên Hesenan û Sîpkan qedereki berdewam dikin. Fetilâh Beg dibe qaçax. Lê xuya ye ku emla rêvebirên Osmanî li ser Hesenan e, lewra şer û dozên alayên Hesenan ên navxweyî çareser dikin û bi vî awayî Fetilâh Begî jî efû dikin.



Sedat Ulugana

Di sala 1881'î de tê zanîn ku Şêx Ubêdullahê Nehrî hem li hemberî Osmanîyan û hem jî li hemberî İraniyan serî radike.

Siltanê demê Ebdulhemîd, li ser vê serhildanê, êdî pêşengên olî yê kurd di siyaseta Osmanî de îzole dike

reka ermen" di literatûrê de cih digire. Di sedsala 19'ê emîn de tê zanîn ku Rûsya çav berdide erdnîgariya Kurdistanê, ji ber vê çavberdanê û propagandayên alîgirên ermenan yê li Ewropayê, pîrsgirêka ermen dikeve rojeva navneteweyî. Di sala 1878'an de yekem car di Kongreya Berlînê de pîrsgirêka ermen tê rojevê, di dawîya nîqaşên polîtîk de biryar tê wergirtin ku "Dewleta Osmanî dê êdî ermenan li hemberî kurdan û çerkezan biparêze" (bend 61). Berovajî vê bendê, piştî kongreyê dewleta Osmanî bêhtir nêzi kurdan dibe, ji ber ku dewletê hez nedikir ku wek Balkan û Ewropaya rojhilatî, li Asyayê jî erdê xwe wînda bike.

Ji eşîran yekîneyên leşkerî

Di sala 1881'î de tê zanîn ku Şêx Ubêdullahê Nehrî hem li hemberî Osmanîyan û hem jî li hemberî İraniyan serî radike. Siltanê demê Ebdulhemîd, li ser vê